



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**O D L U K A**  
**o utvrđivanju posebnog značaja za Grad Sarajevo**  
**Udruženja „Obrazovanje gradi Bosnu i Hercegovinu“**  
**(prijedlog)**

**Predlagač: Gradonačelnik**  
**Obrađivač: Gradska služba za lokalnu**  
**samoupravu i razvoj grada**

**Sarajevo, maj 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici od \_\_.\_\_.2021. godine, donosi:

(prijedlog)

**O D L U K U**  
**o utvrđivanju posebnog značaja za Grad Sarajevo**  
**Udruženja „Obrazovanje gradi Bosnu i Hercegovinu“**

**Član 1.**

Ovom Odlukom utvrđuje se da je Udruženje „Obrazovanje gradi Bosnu i Hercegovinu“ (u daljnjem tekstu: Udruženje „Obrazovanje gradi BiH“) od posebnog značaja za Grad Sarajevo, kao organizacija koja svojim djelovanjem doprinosi afirmaciji Grada Sarajeva kroz projekte obrazovanja mladih, razvoja omladinskog volonterizma, aktivizma te stvara pozitivan efekat u zajednici.

**Član 2.**

Djelatnosti Udruženja „Obrazovanje gradi BiH“ se sufinansiraju iz sredstava Budžeta Grada Sarajeva sa pozicije: Primjena Odluke o utvrđivanju posebnog značaja za Grad Sarajevo Udruženja „Obrazovanje gradi Bosnu i Hercegovinu“.

**Član 3.**

Sufinansiranje, iz člana 2. Odluke vrši se na osnovu evaluacije dokumentacije i odgovarajućeg zahtjeva koje Udruženje „Obrazovanje gradi BiH“ dostavlja gradonačelniku/ci Grada Sarajeva, najkasnije do 30. septembra tekuće godine, radi utvrđivanja prijedloga iznosa namjenskih sredstava za narednu budžetsku godinu.

Dokumentacija iz stava 1. ovog člana podrazumijeva procjene i pokazatelje kako slijedi:

1. prijedlog godišnjeg plana rada-programa, uključujući plan troškova;
2. uticaj ponuđenih programa na obrazovanje djece i mladih iz kategorija porodica žrtava rata, osoba sa invaliditetom, pripadnika manjinskih grupa, socijalno ugroženih i sl., u gradu Sarajevu;
3. uticaj ponuđenih programa na formalno i neformalno obrazovanje, psihosocijalnu zaštitu i rješavanje egzistencijalnih pitanja korisnika;
4. finansijski izvještaj o utrošku sredstva odobrenih u prethodnoj godini.

**Član 4.**

Nadzor nad provedbom Odluke vrši gradonačelnik/ca Grada Sarajeva, putem nadležne Službe.

**Član 5.**

Izmjene i dopune Odluke vrše se na način i po postupku za njeno donošenje.

**Član 6.**

Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**  
**GRADA SARAJEVA**

**Jasmin Ademović**

**Broj:**  
**Sarajevo, \_\_.\_\_. 2021. godine**

## **O B R A Z L O Ž E N J E**

### ***PRAVNI OSNOV***

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje.

### ***RAZLOZI DONOŠENJA***

Udruženje „Obrazovanje gradi Bosnu i Hercegovinu“ egzistira od 1994. godine, moralno i materijalno pomaže različite grupe: djecu i mlade iz porodica žrtava rata u BiH, djecu i mlade sa invaliditetom, talentovanu i djecu i mlade iz romske nacionalne manjine, kao i one iz socijalno ugroženih porodica, u sticanju formalnog i neformalnog obrazovanja i psihosocijalne zaštite.

Iz ukupnog djelovanja Udruženja „Obrazovanje gradi BiH“, u 27 godina, najmanje 60% aktivnosti je realizovano na području Grada Sarajeva i to:

- 7.623 godišnje stipendije, uključujući 830 stipendija za učenike i studente romske nacionalne manjine,
- 4.463 korisnika u turističko-edukacijskim projektima boravilo je u 18 evropskih država, Kanadi, Urugvaju te na Boračkom jezeru u BiH;
- 46.043 korisnika primilo je odjeću, obuću, školski pribor, opremu, poklon pakete i hranu, itd.

Ovo Udruženje koje je vodio, nedavno preminuli general Armije RBiH, Jovan Divjak, dobitnik je priznanja „Šestoaprilska nagrada Grada Sarajeva“ za 2016. godinu za značajna ostvarenja i izuzetne uspjehe u radu postignute u određenim oblastima društvenog života.

Imajući u vidu navedeno te uzimajući u obzir značaj ovog Udruženja za obrazovanje, stipendiranje i pomoć djeci i mladima u našem gradu, kao i šire, te cijeneći i uvažavajući djelo velikog čovjeka, g. Divjaka, Gradsko vijeće Grada Sarajeva donijelo je ovu Odluku.

### ***FINANSIJSKA SREDSTVA***

Finansijska sredstva za realizaciju ove Odluke obezbjeđuju se u Budžetu Grada Sarajeva.